



Republika e Kosovës
Republika Kosovo / Republic of Kosovo
Kuvendi i Komunës Rahovec
Opština Skupština Rahovac/Municipality of Rahovec



PROCESVERBAL

Nga mbledhja e rregullt e Kuvendit Komunal të Rahovecit, e mbajtur më **29.07.2020**, me fillim në ora **10:00**. Mbledhjen e kryesoi: Kryesuesi i Kuvendit z. **Afrim Dina**. Konstatohet se kuorum për mbajtjen e mbledhjes kemi:

Kryesuesi – Fillimisht më lejoni t'iu përshëndes, i nderuar **Kryetar i Komunës z. Smajl Latifi**, nënkryetar i Komunës z. **Fatmir Iska**, të nderuar kolegë kuvendarë, drejtor të drejtorive komunale, përfaqësues të mediave dhe gjithë ju të pranishëm.

Për këtë mbledhje sot propozojmë këtë :

REND DITE

KRYETARI I KOMUNES Z. SMAJL LATIFI KUVENDI I KOMUNES SKUPSTINA OPSTINE MUNICIPAL ASSEMBLY RAHOVEC / ORAHOVAC	
Njësia Nr./Br./No <u>01 (Kuvendi i Komunës)</u>	
Nr./Br./No <u>01/96</u>	Nr. i faq./Br.str./No.pg <u>20</u>
Data/Datum/Date <u>27.08.2020</u>	

1. Aprovimi dhe aprovimi i Procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi dhe aprovimi i Raportit të punës së Kryetarit të Komunës për periudhën 6-mujore Janar – Qershor 2020,
4. Shqyrtimi dhe aprovimi i Raportit nga Drejtoria për Buxhet dhe Financa për periudhën 6-mujore Janar – Qershor 2020,
5. Shqyrtimi dhe aprovimi i Propozim vendimit të Kryetarit të Komunës për dhënien e pronës së paluajtshme personave fizik dhe juridik në shfrytëzim afatgjatë,
6. Shqyrtimi dhe aprovimi i Propozim vendimit të Kryetarit të Komunës për dhënien e pëlqimit për këmbim të pronës publike komunale P- 04381-0,
7. Shqyrtimi i dhe aprovimi i Propozim vendimit të Kryetarit të Komunës për dhënien e pronës së paluajtshme personave fizik dhe juridik në shfrytëzim afatshkurtër,
8. Shqyrtimi i Raportit të DKA-së rreth përfundimit të vitit mësimor 2019/2020,
9. Shqyrtimi i Informatës nga DSHPS-ja për periudhën 6-mujore Janar – Qershor 2020,
10. Shqyrtimi i Informatës mbi implementimin e Planit për Investime në Hapësirat e Hapura Publike në Komunën e Rahovecit,
11. Shqyrtimi i Informatës nga Drejtoria për Ekonomi, Zhvillim dhe Turizëm

Kryesuesi- Te nderuar kuvendarë, a ka dikush të shtoj diçka sa i përket rendit të ditës.

Fehmi Hoxha – Përshëndetje Kryesues, nënkryetar, kuvendarë, drejtorë të ekzekutivit, media dhe gjithë ju të pranishëm. Unë nuk kam ndonjë pikë shtesë për të shtuar mirëpo e shoh që është ndonjë gabim apo lëshim teknik tek pika e tretë: Shqyrtimi dhe aprovimi i Raportit të punës së Kryetarit të Komunës së Rahovecit për periudhën 6-mujore Janar – Qershor 2020. Unë mendoj se nuk aprovohet raporti i kryetarit të komunës, që me siguri është ndonjë gabim teknik që duhet të ndryshohet si dhe Shqyrtimi dhe aprovimi i raportit nga Drejtoria për Buxhet dhe Financa edhe kjo nuk aprovohet. Pra të dyja me siguri janë ndonjë gabim pasi shoh në pikat tjera që është vetëm shqyrtimi, kështu që është mirë që para se të fillojmë, këto të ndryshohen. Faleminderit

Kryesuesi – Është e vërtetë z. Hoxha, kemi një lëshim teknik. Të nderuar kolegë, e qesim në votim rendin e ditës. Konstatohet se unanimisht aprovohet rendi i ditës. Kalojmë në pikën e parë të rendit të ditës:

1. Shqyrtimi dhe aprovimi i Procesverbalit nga mbledhja e kaluar.

Fehmi Cena – Përshëndetje për ju kryesues, nënkryetarin, kolege këshilltarë, drejtorë dhe gjithë që janë prezentë në këtë sallë. Deshta me bo një ndërhyrje në procesverbalin në faqe 7, mendoj se është një gabim teknik që ishte pika e tretë e rendit të ditës në mbledhje për kornizë afatmesme buxhetore, tek diskutimi im të rreshti 19 ku thotë në mbledhjen e kaluar të kuvendit komunal e kemi aprovuar një kërkesë nga drejtori i Shëndetësisë një shume të hyrave prej 140,000 euro, e që në fakt do të duhej me qenë drejtori për financa, pra vetëm ky ndryshim duhet të bëhet.

Trajko Shariq – Përshëndetje për të gjithë të pranishmit. Unë kam një vërejtje të vogël në procesverbal, që kam parashtruar pyetje në mbledhje e kaluar mirëpo nuk është paraqitur përgjigja e nënkryetarit në procesverbal.

Rasim Fazliu – Përshëndetje për ju kryesues, nënkryetarin, anëtarët e kuvendit komunal, drejtorët, përfaqësuesit e mediave dhe gjithë të pranishmit në sallë. Unë në diskutimin tim faqe 13, tek rreshti i 3-të konsideroj se fjalia duhet të jetë kështu falja e borgjeve të papaguara kurse aty shkruan falja e borgj të papaguara.

Kryesuesi – Faleminderit z. Fazliu, atëherë meqë nuk kemi tjerë të lajmëruar, sekretaria do të permisojë këto lëshime teknike. E qesim në votim pikën e parë të rendit të ditës. Konstatohet se unanimisht aprovohet pika e parë e rendit të ditës. Kalojmë në pikën e dytë të rendit të ditës:

2. Pyetjet dhe përgjigjet në pyetjet e Kuvendarëve.

Ali Zhuniqi – Përshëndetje të gjithëve. Fillimisht ju shpreh ngushëllime të gjithë familjareve që kanë humbur të dashurit e tyre si pasojë e pandemisë Covid-19. Pyetjen që deshta me adresua në lidhje me mbledhjen e kaluar që kishim sa i përket sinjalizimit të rrugëve ku është duke u ndërtuar aktualisht që e kam frekuentuar dy herë brenda muajit pra nuk është ndonjë hap në lidhje me këtë, pasi kjo është shume e rrezikshme sidomos natën ku në pjesën e Fortesës absolut nuk asnjë lloje ndërhyrje dhe kisha kërkuar që kur të merren punët duhet të jeni me serioz dhe të implementohen pasi na premtuat në muajin e kaluar se kjo do të realizohet në periudhën sa më shpejt që është e mundur.

Masar Popaj – Përshëndetje për të gjithë. Pyetja ime ka të bëjë për komisionin për emërtimin e rrugëve dhe pyes këtë komision që të na jep një sqarim se deri ku kanë mbërri si dhe pse komisioni i ankesave nuk është funksional pasi që ka shume ankesa që nga fshati im Fortesë dhe shume fshatra përreth. Kërkoj që ky komision të mblidhet dhe të funksionalizohet që të shqyrtoj ankesat.

Ali Morina – Faleminderit kryesues, i nderuar nënkryetar, drejtor të drejtorive, kolegë asamblistë. Unë deshta me ngritë një kërkesë, ku dihet se kemi filluar me projektin e ndriçimit publik në shumicën e vendbanimeve edhe është projekt shume i mirë dhe i qëlluar mirëpo deshta me ju drejtua drejtorit të shërbimeve publike z. Perparim Krasniqi se a është e mundur nëpër këto shtylla të vendosen shporta të vogla për mbeturina për

shkak se përgjatë rrugës nuk kanë qytetaret se ku ti hedhin mbeturinat dhe vazhdojnë ti hedhin në rrugë dhe përderisa ne nuk ofrojmë një vend se ku me i hedhë ato, atëherë qytetaret sigurisht do të vazhdojnë me i hedhë ne rruge dhe do të ishte një projekt i duhur dhe funksional që ta kemi një ambient sa me të pastër.

Sali Sallteku – Përsëritje për të gjithë. Deshta me te përsëritet kryetarin e grupit parlamentar të AAK-së, dhe ta uroj për propozimin e tij pasi kurrë më mirë nuk folur dhe do të ishte mirë që deri ne fund të mos fol hiq, pasi vërtet e kisha edhe një propozim të fillë për vendosjen e shportave për mbeturina. Pa seriozisht është mirë me marr me përgjegjësi pasi njerëz nuk e kanë edhe kujdesin e duhur dhe hedhin gjësende nga dritarja e makinës dhe kjo është ide e qëlluar pasi nuk kushtojnë shume dhe krijon një kulturë të mirë për qytetaret për vetëdijesimin e hedhjes se mbeturinave ne vendin e caktuar.

Rasim Fazliu – Në bazë të planit të punës se kuvendit që e kemi hartuar në fillim edhe e kemi aprovuar do të ishte mirë që me i përfill pikat e rendit të ditës që i kemi paraparë gjatë muajve, e njëra nder to është edhe raporti i auditimit të përgjithshëm, që sigurisht ka pasur me ardh dhe qdo herë kemi raportua para kuvendit në muajin Korrik dhe kjo nuk ka ndodhur dhe tani deshta me shtrua si pyetje pse dhe ku është çështja.

Kryesuesi – Faleminderit shume z. Fazliu për pyetjen që parashtrove, me datën 14 të këtij muaji me ka ardh zyrtarisht raporti i auditorit të përgjithshëm mirëpo pasi që ishte me vonese dhe materiali për Mbledhje të KPF-së ishte i shpërndare atëherë nuk kemi pasur mundësi edhe me qit si pikë të rendit të ditës por për mbledhjen e ardhshme do të jep një përgjigje edhe drejtori apo nënkryetari dhe sigurisht që do ta kemi për mbledhjen e ardhshme.

Rukije Krasniqi – Faleminderit kryesues dhe përsëritje për te gjithë të pranishmit në sallë. Unë vetëm e kisha një pyetje për drejtorin e DKA-së, qe nëse vazhdon mësimi online nga muaji shtator, cilat janë masat që duhet të ndërmerren për lehtësimin e punës se nxënësve dhe të mësimdhënësve sepse ka qenë një punë mjaft e vështirë të cilën e kemi kalua edhe kemi përfunduar vitin shkollor 2019/2020.

Përparim Krasniqi – Faleminderit kryesues, i nderuar nënkryetar, te nderuar kolegë, anëtare të kuvendit komunal, monitorues dhe gjithë ju të pranishëm. Unë kisha disa pyetje, besoj që mbledhjen e kaluar nënkryetari ju ka përgjigj Ali Zhunikit dhe s'di sa ju ka përgjigj ne çështjen e rrugës dhe unë e pash në procesverbal se ka dhënë disa sqarime në projektin e rrugës katër korsi por unë tani ju jap sqarime shtesë për rrugën 4 korsi e sidomos ne pjesën e Fortesës, ku sinjalizimi horizontal i rrugës ka qenë në dy anët me drita vezulluese dhe pjesa kryesore e rrugës është bërë me ngjyrë të verdhë që tregon se ka punime ne rrugë. Mirëpo ka fatkeqësisht ka dëmtime shume e po ashtu edhe vjedhje dhe normal që kompanitë hezitojnë vazhdimisht me investua mirëpo sidoqoftë une do të kerkojë shtesë kompanisë që me vendos ende sinjalizime dhe tabela informuese në atë segment rrugor pasi e dimë që është vendbanim. Sa i përket ndriçimit publik, unë i uroj Saliut, Dervishit, Bajramit ndriçimin e ri publik që kemi bërë dje në përrurimin e fshatit Malësi e Vogël pra është vendosur mbi km ndriçim publik, pra edhe njëherë urime të gjithëve ndriçimin publik. Sa i përket shportave, e kemi fituar një grand nga GIZ-i gjerman prej 106,000 euro për vendosjen e shportave ne gjithë komunën e Rahovecit, që besoj që do të kërkoj edhe pjesën e shportave që vendosen në shtyllat e ndriçimit publik dhe besoj se si të lidhet kontrata me GIZ-in gjerman do të vendosim ato shporta.

Trajko Shariq – Po ndërlihem me çështjen e ndriçimit publik pasi u përmend dhe dua të rikujtoj drejtorin që në disa pjesë të lagjes se epërme nuk është funksionale dhe ka nevojë për intervenim për ndriçim publik ne lagjen e epërme.

Ali Zhuniki – Nuk e di sa jeni të informuar por kam pasur kërkesa prej disa banoreve që jetojnë në komunën e Rahovecit për shkak se fëmijët e tyre kanë me krye operimet në Maqedoni dhe kur dihet se Maqedonia ka një rregull në kuadër të respektimit të masave ndaj Covid-19 që duhet me pas një test. Unë për ata dy persona që me kanë kontaktuar, menjëherë e kam adresuar te kryetari dhe kisha kërkuar se kur bëhet fjala për fëmijë në

kuadër të përgjegjësive edhe institutit të shëndetit publik që i ka të deleguar nëpër komuna, duhet që këto kërkesa të merren me seriozitet e posaçërisht kur bëhet fjalë për fëmijë.

Munib Durguti – Faleminderit kryesues, përshëndetje për të gjithë të pranishmit. Deshta një pyetje për drejtorin e shërbimeve publike për një sqarim të vogël rreth rrugës me katër korsi. Me intereson se ku fillon rruga me katër korsi, A fillon preh Viva Fresh Store në hyrje të qytetit apo nga Stonecastle të Bernjaka, pasi shohim atje se vetëm në njërën anë po kryhen punimet kurse në anën tjetër jo dhe po ashtu janë ngritë shumë pyetje prej qytetareve se vërtet nuk dihet se ku fillon ndërtimi i kësaj rruge dhe kisha pas dëshire që drejtori i Shërbimeve Publike z. Perparim Krasniqi me na dhanë një sqarim.

Përparim Krasniqi – Nëse me lejohet të i përgjigjem Trajkos për çështjen e ndriçimit publik. Ne jemi duke punuar pasi kontrata për ndriçim publik është në gjithë komunën e Rahovecit. Në Rahovec kemi 5 rruge kryesore që do të bëhet ndriçimi i ri publik në rrugën Bekim Isma që përfshihet edhe lagja e epërme do të bëhet ndriçimi i ri publik me shtylla metalike pra do të largohen shtyllat e vjetra për shkak se nuk ka ndriçim të mjaftueshëm aty dhe po shpresojmë që punën janë duke vazhduar neper të gjitha vendbanimet por që shpresojmë që deri në fund të vitit të realizojmë shumë projekte të ndriçimit publik por është me kontratë. Sa i përket rrugës 4 korsi i nderuari Munib Durguti, rruga prej Viva Fresh e deri në Xerxe është 4 korsi ndërsa prej Viva fresh e deri në rrugën e transitit është 3 korsi d.m.th. vetëm ana e djathtë e rrugës.

Fatmir Iska - Faleminderit i nderuar kryesues, të nderuar anëtare të kuvendit, drejtorë të drejtorive dhe gjithë të pranishëm në sallë. Në pyetjen e Masar Popaj të emërtimi i rrugëve, unë e di se ky komision ka pasur takim dhe kur të përfundon punën pasi është komision i ri dhe me pastaj është komisioni për ankesa që e di sa ka probleme pothuajse në çdo vendbanim. Edhe në komisionin e vjetër isha edhe unë që kryesisht kanë qenë gabime teknike të mos përfshirjes që pastaj kanë rezultue edhe telashe tjera. Unë besoj që me këtë komision do të kryhen këto punë, sigurisht që do të ketë edhe ankesa dhe ato do të shqyrtohen. Tek pyetja e Rasim Fazliut, raporti i auditorit të përgjithshëm, në këtë vizitë ka ardh me vonesë siç e përmendi edhe kryesuesi pasi që ne veçse e kishim shpërndarë materialin për KPF-ë edhe shpresojmë që do ta shqyrtojmë në seancën e muajit Gusht. Por shumë me rëndësi është që raporti i auditorit të përgjithshëm ka dalë shumë mirë me disa të gjetura normal që ato do të diskutojmë bashkërisht. Tek pyetja e Rukije Krasniqit, mesimi online që të gjithë jemi të vetëdijshëm se janë vendimet e qeverisë në bashkëpunim me drejtoritë komunale të Arsimit, a do të jetë i përzier ky mesim online brenda javës, ende nuk ka vendosur as Ministria e as DKA-ja që në bashkëpunim do të shikojmë, pasi të gjithë e dimë se si ka vijuar ky proces.

Kryesuesi – Faleminderit shumë nënkryetar, të nderuar kolegë kuvendarë nuk po shoh tjerë të lajmëruar, kalojmë në pikën e tretë të rendit të ditës:

3. Shqyrtimi i Raportit të Punës së Kryetarit të Komunës për periudhën 6-mujore Janar-Qershor 2020.

Fatmir Iska – Unë do të jem i shkurtër meqenëse është edhe raporti dhe e keni para vetes të gjithë. Në këtë raport 6-mujorë për vitin 2020 janë të pasqyruara synimet, prioritetet, punët e kryera dhe po ashtu raporti është i bazuar në bazë të planit të punës së kryetarit të komunës për vitin 2020, pra në këtë 6-mujorin e parë. Ky raport është i publikuar në webfaqen e komunës ku janë të gjitha raportet e njësive apo zyrës së kryetarit pastaj të drejtorive komunale. Shërbimet janë të pasqyruara qoftë në formë tabelore apo në formë tjetër. Unë nuk po dua të zgjatem me shumë përveç se ju ftojë për diskutim, sigurisht që dikush mundet me pas vërejtjet e tij rreth raportit që ndoshta mundet me qen voluminoz apo i shkurtër por ne jemi përpjekur me qenë më të qartë dhe me konciz në punët e kryera. Përndryshe edhe shumë punë të tjera kanë me u krye brenda 6-mujorit të dytë dhe sigurisht që edhe për atë do të raportojmë në fund të këtij viti.

Ali Morina – Faleminderit kryesues, i nderuar kryetar. E falënderojmë kryetarin për sjelljen e këtij raporti mjaft i gjerë që përfshin aktivitetet dhe punët e gjitha drejtorive qoftë edhe sektorëve që operojnë në kuadër të zyrës së Kryetarit. Gjate kësaj periudhe ka pasur projekte të rëndësishme që janë zhvilluar dhe janë përfunduar

mirëpo ka edhe të atillë që janë në vazhdim e sipër. Kemi pae projekte me rëndësi për qytetaret në të gjitha vendbanimet që po i theksoj disa siç është ndriçimi publik ne disa vendbanime, uji i pijes në fshatin Pastasel një projekt jetik për qytetaret e këtij vendbanimi po ashtu rregullimi i rrugëve fushore është një nga projektet që është pritur me se miri nga fermerët sepse vërtet ka qenë i domosdoshëm një projekt i tillë dhe shpresojmë që të vazhdoj edhe me tutje. Kemi projektin e hapësirave të gjelbëruara siç janë ndërtimi i parqeve si projekt me rëndësi sepse do të ndikoj direkt në përmasimin e ambientit ku ne jetojmë mirëpo një vërejtje të vogël sepse kur të ndërtohen këto parqe do ishte mirë me ndërtua edhe ka një kënd të lojërave për fëmijë sepse edhe me rregulloren për te drejtat e fëmijëve i kemi paraparë që duhet të ofrojmë hapësira për rekreacion të fëmijëve. Gjithashtu kemi projekte të rëndësishme edhe ne fushën e shëndetësisë siç është ndërtimi i ambulantes se re në fshatin Çifllak dhe fillimi i ndërtimit të ambulantes se re në fshatin Optrushe. Tani nuk po hie që të përmend të gjitha, i shkoqita vetëm disa prej tyre mirëpo me te vërtet janë bërë punë të mëdha dhe të mira që ndikojnë direkt në jetën e qytetareve.

Fehmi Cena - Ne përpara e kemi raportin 6-mujorë të punës se qeverisë lokale dhe Kryetarit për këtë vite. Është e vërtet se është një raport mjaft voluminoz dhe gjithëpërfshirës ku përfshihen aktivitetet e zyrave edhe të kryetarit edhe të gjitha drejtorive. Gjate leximit atë që kemi mundur me pae, kemi vërejt se ka mjaft që janë krye dhe ka rezultate pozitive edhe për çka ne i përgëzojmë për këto punë që janë kryer por natyrisht që kemi edhe ato sugjerimet tona edhe vërejtjet tona për punët të cilat ose janë krye përgjysmë ose nuk janë krye si duhet. Unë po filloj me faqen 4, tek pika plani lokal i veprimit në mjedise përmendet, po ashtu unë do të shtoja gjithashtu është edhe plani komunal për eficiencë të energjisë. Ne i kemi aprovuar në Kuvend këto dy plane edhe e kemi cekur se janë plane strategjike që përmes se cilëve komuna mundet me marr me thithë edhe donacione për realizimin e projekteve qoftë si grande nga niveli qendror qoftë edhe donacione të jashtme. Po ashtu do të doja të kishte pasur edhe me shume projekte pasi edhe atëherë kemi thene që qeveria duhet të bëj projekte të mira të sakta bindëse që në mënyrë që të thithë buxhete edhe nga donacionet. Në fakt në këtë raport unë sa kam mundur me pae është një projekt aty që përmendet për arsim ne shkolla në pjesën e energjisë efience por për të tjera projekte do të duhej të kishte me shume në këtë drejtim. Pika tjetër ne vazhdim është përmbyllja e projektit të pompave për ujin e pijes në fshatin Pastasel që është kryer pasi siç dihet është prerë shiriti mirëpo ne Komiteti për Politike dhe Financa para disa dite që kemi mbajtur dëgjimet buxhetore publike, na është thënë nga qytetaret aty se ata ende nuk kanë ujë të pijes d.m.th. deri ku ka arrit kjo edhe pse ata nuk kanë ujë të pijes ende. Rreth menaxhimit të pandemisë, e di se janë bërë mjaft punë të mira sidomos në këtë pjesën është formuar shtabi i emergjencës i cili po e mbikëqyrë situatën në komunën tonë. Tani e dimë se si është situata në komunën tonë jo edhe aq e mirë pasi edhe ne si komunë jemi përfshije me mjaft raste që kemi të prekur nga kjo sëmundje. Natyrisht që komuna nuk i ka në dorën e saj të gjitha këto gjëra mirëpo janë ato veprimet të cilat është duke i bërë mirë si dezinfektimi i lokaleve, i ambulancave, prezenca e tuneleve të dezinfektimit po ashtu është bërë mirë që është sjellë edhe ne oborrin e QKMF-së edhe pse e kemi kërkuar edhe me herët, natyrisht mua nuk po me vjen mirë që nuk po e shoh këtu në oborrin e Komunës pasi mendoj se do të duhej me qenë edhe këtu sepse është e nevojshme dhe ka frekuentim të qytetareve edhe duke marr parasysh situatën epidemiologjike në të cilën jemi do të duhej që të ketë me shume, bilum unë propozoj që në çdo qendër të mjekësisë familjare të ketë nga një tunel i dezinfektimit sepse është shume i rëndësishëm. Ne i kemi ndaje 10,000euro që është kërkuar edhe nga Kryetari për ndarjen e kësaj shume për menaxhimin e kësaj çështje, mendoj se është bërë mirë edhe pse nuk mjaftojnë sepse ka nevojë të ndahen edhe me tepër mjete. Por këtu dikun ceket se këto mjete po përdoren për furnizim me barna dhe përkrahje për raste sociale. Mendoj se nuk është shume e madhe se pse kjo përkrahje sociale do të duhej që të bëhet përkrahja e punëtorëve shëndetësorë në kuptimin e furnizimit me pajisje për mbrojtje edhe pse jo për motivim apo stimulim të punëtorëve duke qenë se janë vërtet ne vijën e parë të frontit që është mjaft e rrezikshme për momentin. Ato

dobësitë që i kemi kaluar në pandemi do të thosha se fillimi ka qenë paksa i vështirë pasi kemi pasur mungesë të pajisjeve për mbrojtje të personelit dhe ndoshta ne fillim edhe nuk është kuptua edhe rëndësia e kësaj pandemie. Gjithashtu e dimë se një kohë ka pasur edhe ardhje të pacienteve edhe nga komunat e karantinuara, gjë që kanë paraqitur rrezik për përhapjen e sëmundjes edhe në komunën tonë. Po ashtu një vërejtje e kam tek bizneset duke përfshijë sidomos këtë të gastrologjisë pasi shohim edhe sot e kësaj dite tek ata që aspak nuk i respektojnë rekomandimet që vinë nga niveli qendrorë nga Ministria e Shëndetësisë dhe Instituti kombëtarë i shëndetit publik, që edhe sot e kësaj dite kur shkojmë shohim klientët se ata nuk kanë maska dhe po e e potencoj edhe njëherë se si profesionistë që përdorimi i maskave dhe respektimi i këtyre rregullave është shumë i rëndësishëm. Një pikë tjetër është lidhja e kontratës për mbjelljen e drunjtëve dekorativ, që e keni cekur dikun 10,000 euro dhe sa e di unë ky projekt kushton afërsisht 50,000 euro. Vërejtja ime është te ajo se ne i shohim se këta drunjtë dekorativ sidomos përgjatë rrugëve në mes të vendbanimeve shumica prej tyre janë tharë. Këtë çështje e kam potencuar edhe me përpara edhe përgjigja nga drejtori i shërbimeve publike ka qenë që kompanitë që merren me to diku në kontratë është që për 3 vjet ata duhet me u përkujdes edhe për mirëmbajtjen e tyre sepse e dimë se nëse nuk ka përkujdesje atëherë gjysma e tyre me siguri do të thahet edhe do të thotë ne llogarisim se edhe kjo gjysma e buxhetit do të shkoj huqe. Tek Drejtoria për Kulturë Rini dhe Sport është cekur restaurimi i monumenteve i objekteve kulturore që realisht nuk po shoh diçka tjetër pos bunarit të madhe në Ratkoc që është cekur se është bërë restaurimi i tij dhe diçka tjetër nuk po shoh në këtë periudhë kohore që është restauruar. Unë jam ithtar i asaj që monumentet kulturore historike të mbrohen dhe kam kërkuar edhe me përpara që të bëhet një listë complete ku do të përfshiheshin të gjitha objektet të rëndësishme kulturore dhe historike duke qenë se dhëmbi i kohës po i shkatërron çdo ditë e me shumë. Nuk kam parë që është punuar në këtë drejtim ose se paku që është punuar me tepër ne restaurimin e tyre. Kam cekur edhe atëherë edhe tash po e cekim se ka edhe ne qytete por ndoshta edhe neper fshatra janë disa shtëpi të vjetra të cilat kanë strukturën e vjetër karakteristike edhe do të duheshin me qenë nën mbrojtje edhe me u përkujdes edhe për ato pak që kanë mbetur që të mos shkatërrohen plotësisht. Kur kemi te kjo drejtori, tek subvencionimi i OJQ-ve kemi kërkuar edhe me përpara që drejtoria duhet të kërkojë raporte për projektet që po financohen me OJQ-të. Cekët aty në raportet e kësaj drejtorie se është bërë një raport mirëpo ne nuk i kemi të dhënat se sa kjo drejtori është e kënaqur me projektet që po realizohen dhe për këto para që po shpenzohen.

Florida Bajraktari – Faleminderit kryesues, unë e kam vetëm një pyetje tek drejtoria për shëndetësi, pasi këtu askund nuk përmendët reparti për dializë. Pra është fundi i vitit të tretë të qeverisjes edhe ende nuk është aktivizuar kjo qendër. Pyetja ime do ishte se kur do të aktivizohet reparti për dializë në Rahovec.

Dervish Çadraku – Përshëndetje për të gjithë t pranishmit. Unë do të përqendrohem kryesisht ne raportin e Kryetarit sepse raporti i Kryetarit po i përfshin edhe drejtoritë e tjera d.m.th. i përmbledh pothuajse të gjitha. Sipas raportit të Kryetarit shumë punë janë bërë të mira edhe qytetaret e komunës tonë kanë pasur përfitime nga investimet e buxhetit të Komunës neper vendet e tyre por megjithatë unë kam vërejtjet e mia që ka pasur mundësi me u punua edhe me tepër që me shtrie teren edhe me tepër për nevoja të qytetareve kur kemi parasysh që tash kur ishim ne dëgjimet buxhetore e pamë që përkundër kësaj nevojat e qytetareve ishin të mëdha, e aq me tepër mua me bëri përshtypje në këtë raport të Kryetarit po me duket mua se nuk është fokusimi i mjaftueshëm për disa drejtime aty që qytetaret kanë nevojë e sidomos për ujë dhe për kanalizime. E pamë që kish vende që kanë nevojë për ujë edhe tash ne shek..21 ka ende lokalitete që kanë nevoja për ujë. Ndërsa sa i takon ujërave të zeza, edhe kjo është nevojë sepse shume lagje dhe pjesë të fshatrave ka ende që nuk kanë mundësi që ujërat e zeza të i trajtojnë ose të i largojnë nga vendbanimet e tyre. Po aq e rëndësishme mendoj unë dhe detyrë e kryetarit që trajtimi i ujërave të zeza është problem shtetërorë pra republikan mirëpo nuk kam parë ndonjë lëvizje që çfarë të bëjmë me ujërat e zeza sepse e kam thënë edhe me herët që këto ujëra që vetëm qytetari i Rahovecit që shkon teposhtë e që derdhen në Drinin e Bardh pastaj Fortesa, Xerxa, Krusha e

Madhe, pra duhet të mendojmë njëherë e mirë sepse po e ndotim ambientin shume edhe kjo është në të keqen e qytetareve tanë. Përpos kësaj e pash në raportin e kryetarit se inspektionin do ta forcojmë pasi do të ketë punë me shume dhe do të del ne teren me shume mirëpo në bazë të dënimeve që i ka bërë, unë po shoh që qytetaret shume mirë qëndrojnë dhe nuk bëjnë gabime e nuk veprojnë jashtëligjshëm mirëpo e vërteta është se unë shoh rrugës se trotualet janë të zëna me artikuj ushqimorë që shesin njerëzit në trotuare, gjithashtu shoh mbetje të ngurta apo bërlllogë nëpër çdo pjesë të komunës tonë të cilat ju i largoni shpesh mirëpo megjithatë është një veprim i domosdoshëm i inspektionit që ti ruaj këta keqbërës edhe ndotës të ambientit sepse me te vërtet është koha e fundit të mendohet për ambientin. Fokusi i veçantë siç e kam parë aty është edhe te bujqësia por problemi kryesor në bujqësi sot nuk është që atyre të ju ofrojmë mjete për me punua sepse vegla nuk po them që kanë mirëpo kanë mjaftueshëm për me punua edhe me prodhua prodhime bujqësore por është problemi i tregut pastaj i ekonomisë ose e përpunimit të këtyre prodhimeve. Pra Kryetari është mirë me u interesua me tepër që të sjellë donatorë ose investues që do të investojnë në përpunimin e pemëve dhe perimeve. E kam cekur edhe njëherë në një takim tjetër pasi nuk ka mjaftueshëm aktivitet për punën e mbrojtjes nga breshëri d.m.th. e tërë puna e buqëve në komunën tonë është në mëshirën e motit, Ju keni thënë se nuk lejohet për shkak se KFOR-i është përgjegjës për hapësirën mirëpo ata duhet të na japin një zgjidhje se si i bëjnë ata në Gjermani, Austri apo në Zvicër dhe si i mbrojnë prodhimet e tyre nga breshëri nëse nuk na lejojnë neve me ata topat që e gjuajnë breshëri. Nëse e marrin në mënyrë të përgjithësuar atëherë unë kisha thënë edhe për arsimin që e kemi Shkollën Fillore ne Gexhe të pariparuar dhe kulmi i saj është i dëmtuar dhe kemi tërhequr vërejtjen disa here dhe përsëri ajo punë nuk është kryer dhe nuk e di se kur do të kryhet pasi nuk e shoh askund. Pastaj kemi disa projekte për disa trotuare që kanë pasur me u bo, pastaj të Gradishi nuk janë bërë, pastaj oborri i Shkollës në Malësi të Vogël nuk është bërë dhe kam një vërejtje edhe tek investimet që po bëhen Kryetar, pasi shpesh na kanë pyetur qytetaret tash në kohen e fundit se cilat janë kriteret për investime të komunës. Edhe unë mendoj që kriteri parë është nevoja e domosdoshme e një lokaliteti apo komuniteti që duhet me investua aty si ujë, kanalizimi, rruga etj. Kriteri i dytë është e mira e tyre që sa me shume njerëz me pas që me iu shfrytëzua edhe kriteri i tretë është se sa kontribuon me te hyrat në Komunë d.m.th. taksapaguesit e komunës. Prandaj unë mendoj se ju nuk e keni përdor këtë mjaftueshëm edhe e ka disa lokalitete të cilat që të tri këto kritere i plotësojnë edhe nuk keni ndërhyje mjaftueshëm. Po ashtu e kam një pyetje, ju me UN-Habitat-in ju jeni duke bërë një projekt për qendrën poshtë atje, por kur e shoh atje Kultura që do të investoni në fushën sportive, nuk e di a do të hynë edhe ajo fushë në atë projekte, nëse nuk do të mbetet ajo fushë aty atëherë cila është arsyeja me investua prapë aty. Unë mendoj që edhe projektet që i bëni do ishte mirë të bëhen edhe me metra katror dhe metër gjatësi sepse po dalin shume projekte aty ndërsa kur i shikon me metër gjatësi atëherë nuk janë shume edhe sigurisht duhet të kihet parasysh se kudo që shkon nëpër fshatra kanë nevojë për rrugë, kanalizime, ujë dhe shume investime tjera.

Kryetari – Faleminderit shume për diskutimet që keni bërë për raportin 6-mujorë të punës për vitin 2020 pra për 6-mujorinë parë. Përshëndetje për kryesuesin, nënkryetarin, drejtorët e drejtorive, anëtarët e kuvendit të komunës, përfaqësuesit që e përcjellin këtë seancë dhe gjithë të pranishmit në sallë. Raporti mendoj se maksimalisht është i qartë dhe i saktë, mund të jetë i zgjeruar por është i thjeshtë në kuptimin e qartësisë. Raporti përfshin siç e tha edhe nënkryetari krejt edhe është i publikuar me kohë sipas standardeve të performances komunale për qeverisje këtu dhe besoj që jemi mirë edhe me transparencë e po ashtu edhe me performancë. Te pyetja z. Fehmi Cena për 10,000 euro që shtruar çështjen se çka bëhet me atë shumë. Faleminderit prej kuvendit të Komunës pasi ato nuk përdoren për ndihma momentale dhe as për sëmundje sepse është fonde i veçantë sepse është kategoria e subvencioneve që përdoren për ato qëllime edhe janë në drejtorinë e shëndetësisë, mund të përdoren për ndonjë masë mbrojtëse për pajisje mbrojtëse për sa i takon mirorganizimit të QKMF-së për rrethana të reja por jo për me shume. Uji i pijes në fshatin Pastasel kur keni

qenë ju n dëgjime publike vërtet e kemi pre shiritin se bashku me KRU.Gjakova pasi kemi marrëdhënie të atillë pasi ne kontribuojmë në proces por ata janë përgjegjës për furnizim me ujë të pijes, edhe me ligjin në fuqi. Prej prerjes se shiritit e deri ne ditët e sotme, ata i kanë krye ato punët e veta teknike që lidhen me mungesën e pamjaftueshmërinë e furnizimit të gypit me ujë e po ashtu të stacionit të pompave etj. punë këto që realisht i kanë pasur ata dhe që i ka krye komuna e Rahovecit në kohën e qeverisjes se kaluar por me gjasë ka pasur dëmtime ne gupe edhe s'ka pasur ujë të mjaftueshëm. Tash janë përfunduar të gjitha ato edhe uji është lëshuar dhe gjithçka është në rregull për sa i takon furnizimit të rezervuarit kurse stacioni pompave është funksional dhe kanë filluar veç mu kyq edhe familjet, edhe tash është krejt çfar ka mbetur pra kyçja e familjeve me sistemin e ujit të pijes për të gjithë banoret e fshatit Pastasel, bile mendohet se sipas informatave që kam edhe nga drejtori i shërbimeve publike edhe nga KRU.Gjakova dhe drejtuesit e kësaj kompanie ka me pas ujë të pijes mjaftueshëm, gjë që kanë probleme pothuajse të gjitha fshatrat përreth. Për tunelet dezinfektuese, ne këto i kemi donacion pra nuk kemi hargjue mjete të buxhetit të Komunës dhe vërtet këtë tunele që kemi pasur këtu e kemi dergue në QKMF. Ka një tendencë për me u vetdisiplinue në radhë të parë zyrtarët e komunës por edhe qytetarët të cilët po vijnë me marr shërbime këtu. Pra ndërmjet këtyre dy mbledhjeve që po i mbajmë në kuvend të komunës,po besoj qe keni vërejte shume pak njerzë me maske kurse tash edhe kryetari i komunës është me maskë. Pra kemi disa rregulla t reja dhe perveq tjerash ka me shume maska që përdorin,ka me shume disiplinë dhe me shume ndjenjë të përgjegjësisë edhe nga ata që vijnë me kerkue shërbime ose me marr shërbime këtu edhe nga zyrtarët e komunës. Po ashtu edhe ne QKMF, bile edhe kusht i domosdoshëm do të ishte shume ndjeshme dhe e rendë nëse do të kishim infeksion nga stafi shëndetësor, pasi është mirë e u ruajte sidomos personeli shëndetësor sepse është domosdoshëm. Ne nuk kemi pasur ndonjë telashe shume të madhe me infeksionin sa i takon pasi nuk e ka përfshije stafin tonë shëndetësor por ju e dini informatat si janë neper Kosovë pasi janë një numër i madhe i mjekeve dhe teknikeve të infektuar që madje kemi edhe paste vdekje edhe te punëtorëve tanë shëndetësorë. Për pandeminë, ky raport përfshin nga data 15 Mars edhe aktivitete, dinamika, përpjekje, tentativa, angazhime të veçanta për tu përballur me pandeminë, edhe këto janë evidente që ndoshta nuk mund te jenë deri ne fund të përshkruara ne raport sepse ka një informatë me te veçantë rreth kësaj teme por jemi munduar të përcjellim edhe të kontribuojmë ne vazhdimësi që përballja me pandeminë sa me e favorshme për ne dhe ta luftojmë sa me suksesshëm me Covid-19. Pra paratë e ndara për Covid-19 që ja kemi propozua dhe i ka ndae kuvendi, nuk janë të mjaftueshme por nuk janë përdorur për ato qëllime. Drunjtë dekorues-e vërteta është që kompanitë të cilat kanë krijuar marrëdhënie kontraktuale me komunën e Rahovecit pasi që kanë kontratë dhe janë obligative, unë nuk kam dëshire me u thae mirëpo ata e mbajnë përgjegjësinë dhe asnjë shumë nuk hargjohet për ato që dështojnë, duhet ta kuptojmë se z. Cena tha që shkon edhe gjysma tjetër e buxhetit dhe unë i themë se nuk do shpenzohet asnjë shume për këtë. Pra brenda kësaj periudhë për te cilën fole, ata janë përgjegjës për mirëmbajtje dhe për dështimet eventuale të drunjtëve dekorues, pra kompania përgjigjet nëse kanë llogari me u përgjigj ne kërkesat tona pasi të gjitha janë të numëruara dhe përgjegjës për këto është drejtori i urbanizmit edhe sigurisht se janë të evidentuara se sa është numri, ku janë të mbjella, ne sa lokalitete, në cilat pjesë dhe gjithçka është e shënuar. Pra sigurisht që do te kemi mbikëqyrje të vazhdueshme dhe tani jemi ne fazën e verës dhe tani nuk parashihet m u përmirësimi ose zëvendësimi i tyre mirëpo në stinën e vjeshtës ne shpresojmë me i zëvendësua krejt ato që janë thae, megjithëse ata thonë sipas tyre nuk thahen mirëpo është çështje që ja vlen me u ngritë si shqetësim por komuna jonë paguan vetëm për pjesën e parë ndërsa për pjesën që është periudha e mirëmbajtjes nuk paguan për ato sepse është e precizuar qartë në kontratë. Te restaurimi i monumenteve kulturore historike- ndoshta ka mundur me figurua bunari i madhe pasi kjo fazë e ka përfshije tani por ka restaurim apo përpjekje për ti riparuar objektet dhe me një liste të madhe të objekteve ne kemi kontratë pra janë riparuar ne Nashpall,në Rahovec, në Ratkoc dhe në shume pozicione tjera ku ka një listë të

objekteve të cilat janë trajtuar, me një pjesë tjetër të objekteve kemi probleme, ne zakonisht i ftojmë institutin për mbrojtjen e monumenteve dhe është njëfarë korrelacioni që mbahet edhe me qendrën edhe me institutin rajonal të Prizrenit, d.m.th. është e vërtetë që duhet me pas kujdes kur bëhet fjalë për ndonjë mulli të vjetër apo ndonjë objekt të vjetër që me pas shume kujdes që a do shkohet në konservim, restaurim apo në riparim dhe në një monument e kemi pezullua aktivitetin për shkak të një gjurme që ndoshta ka qenë e drejtë se sikur ta kishin bërë ata që kanë njohuri krejt në rregull mirëpo kur bëjnë diçka ata që nuk kanë njohuri atëherë duhet me ndërpre dhe duhet me prit përgjigje prej institucionit, nëse përgjegjëseve të institucionit të fushës që jo rrallë paraqiten edhe janë fate burokratike edhe që për një rekomandim edhe të vonojnë shumë. Te lista e objekteve të mbrojtura – te lista e objekteve të trashëgimisë kulturore historike, unë besoj që drejtoria e kulturës për herë të parë ka filluar me bo një punë të madhe dhe është duke evidentuar edhe objektet e vjetra ose monumentet e vjetra por edhe është duke i vendosë në hartë edhe objektet e reja ose monumentet e reja edhe janë duke bërë një punë të cilën ne po përpiqemi me futë edhe në planin e ri zhvillimorë komunal edhe hartën zonale që pastaj sigurisht me u pjesë edhe e planit ose objektivave për ti futur edhe në mbrojtjen e institutit të monumenteve qoftë ai rajonal apo në këshillin e trashëgimisë bashke me institutin qendror për mbrojtjen e monumenteve. Besoj që ju e keni pasur një informatë më herët, që tani keni me pas informatë shumë me te plotë për secilin objekt që evidentohet gjithashtu edhe një historik të shkurtër të atij objekti apo atij monumenti. Te subvencionimi i OJQ-ve, nuk ka mundësi një OJQ që përfiton subvencione nga zyra e kryetarit apo në këtë rast nga drejtoria e Kulturës Rinisë dhe Sportit që nuk sjellë një raport, pasi është i obliguar edhe i kanë sjell raportet tash. Lista e përfituesve të OJQ-ve nga subvencionet e Kulturës, rinisë dhe sportit është publike edhe ate mund ta shihni dhe lexoni kurdo nëse futeni në webfaqe të Komunës sepse ne jemi të obliguar me publikua edhe në webfaqe listën e përfituesve edhe të bursave, edhe të OJQ-ve. Të fermerëve edhe gjithëcka jemi të obliguar me publikua sipas kërkesës dhe zotimit tonë për transparencë por edhe sipas ligjit. Pra secila organizatë, grup i organizuar, shoqëria civile dhe kushdo që ka përfitua ka sjellë raporte në Drejtorin e Kulturës Rinisë dhe Sportit. Tash a duhet të përfshihen në raportin e punës 6-mujore këto raporte të përfituesve, unë mendoj se jo pasi që ne e kemi kurdo që ju e vlerësoni Drejtoria e Kulturës Rinisë dhe Sportit mundet me prue një informatë të detajuar se cilat kanë kriteret të cilat janë përdorur për ti vlerësuar apo për te nxjerrë rekomandimet e veçanta se kush do të jenë përfituesit e subvencioneve. Reparti i hemodializes –ende nuk e kemi hapur, ka pasur një tentativë për hapje të përkohshme vetëm në kushte pandemie dhe ne nuk e kemi pranuar dhe e kemi refuzuar vendimin e Ministrit Vitija sepse nuk mundet me u tall askush me qytetaret e komunës se Rahovecit, kinse po e hapim për pandemi edhe po i sjellim pacientet prej Suharekës e Malishevës edhe në momentin që konstatohet se nuk ka pandemi atëherë atyre pacienteve me hemodializë shkoni ku jeni kon me përpara. Kto gjera për mua janë të papranueshme pasi që këto teknikalitete edhe i kuptoj mirë edhe nuk i pranoj asnjëherë deri sa unë jam kryetar komune. Këto janë veç lojëra dhe që për mua janë të papranueshme se nuk guxoj me hie dhe me marr përgjegjësi të tilla. Tani është ndrrue vendimi dhe jemi në përpjekje dhe kam luftuar n baza ligjore me zyrën ligjore të Ministrisë së Shëndetësisë që madje kemi pasur situata jo të lehta sepse ata kanë deshtë edhe me i frikësua mjekët tanë që ne do vijmë edhe e hapim me dhunë repartin. Pra jemi në përpjekje për me sigurue, është marrë vendimi për hapje të përhershme të repartit të hemodializes. Se kur do të bëhet funksional, besoni se në këtë situatë as Ministri i Shëndetësisë nuk mundet me ditë e mos të flasim kryetari i komunës që nuk është përgjegjës direkt për shkak se kryetari i Komunës veç ofron logjistikën e nevojshme teknike për me hap këtë repart. Ne jemi të interesuar me hap dhe moti ka qenë qëllimi me hapë edhe kërkesë për ta hapur mirëpo në momentin kur të permisohet situata epidemiologjike në Kosovë atëherë me siguri mund ta shohin të arsyeshme edhe me prioritet të lartë hapjen e repartit të hemodializes në Rahovec. Është përgjegjësi e spitalit rajonal të Prizrenit edhe Ministrisë së Shëndetësisë po ashtu edhe ne jemi partner edhe drejtoria e jonë e Shëndetësisë pastaj Kryetari i Komunës është partner shume

serioz në krejt angazhimet që i ka për me hap sa me shpejt por sigurisht për me bo të përhershme e jo me bo hajgare e me u tallë me njerëzit për shkak të gjendjes së vështirë njëherë në Rahovec e pastaj në Prizren. Pra këto situata në nuk i kemi pranua edhe kemi shkresa dhe nëse ndonjëherë me kërkua nga unë raport rreth kësaj atëherë unë do ju dokumentoj me letra krejt luftën ligjore që kemi bërë me Ministrinë e Shëndetësisë dhe njëfarë përpjekje e tyre me u sjellë jo mirë me komunën e Rahovecit. Por nuk e kemi lejuar edhe kemi bërë shumë mirë që nuk e kemi lejuar dhe nuk do të lejoj situata që dikush me investimet e komunës së Rahovecit në repartin që e ka kompletua komuna e Rahovecit, me pajisjet që janë sjellë nga buxheti i komunës së Rahovecit me diktua dikush si autoritet edhe me marr vendime arbitrare dhe sigurisht unë aso vendime unë nuk zbatoj. Por kjo është konstatuar se ishte një përpjekje sa për konsum të brendshëm e jo përpjekje serioze dhe nuk kemi lejuar. Besoj që është mirë me u hap sa me shpejt edhe reparti është komplet me të gjitha pajisjet, stafi i repartit duhet me u rekrutua nga ana e spitalit rajonal edhe sa me mirë dhe shpejt që hapet do të jetë me mirë. Tek pyetja e Dervish Çadrakut – punët e kryera dhe që janë duke u kryer edhe nevojat e qytetareve janë në shpërputhje. Kush nuk e ka kuptua këtë faktë mendoj që nuk është në thelbin e realitetit sa duhet ose vërtet nevojat janë shumë më të mëdha po ashtu kërkesat janë shumë me të mëdha e ndoshta mundësit për realizimin e investimeve publike janë me të vogla për shkak të mundësive buxhetore edhe kapaciteteve që i kemi sot. Ujërat e zeza - mjaft kemi bërë në kanalizimin e ujërave të zeza në vendosjen neper gypa të ujërave të zeza. Kemi problem me impiante pasi vërtet komuna jonë ka probleme serioze në trajtim të ujërave të zeza, për ujërat që vendosen neper gypa ato derdhen dikun në lumë, në përrua ose dikun ku nuk duhet mirëpo aty ku derdhen kundërmojnë erë të keqe për shëndetin e qytetareve. Në kemi provua në impiantin e ujërave të zeza që kushton shumë dhe nuk e kemi fitua këtë të drejtë Komuna jonë dhe kur kam fillua mandatin në vitin 2017 kam menduar që kemi fitua, po ashtu edhe në debatin që kishim në debate publike për zgjedhje e kemi konsiderua se është temë e mbyllur por nuk ish kon ashtu pra dikush komunën e Rahovecit e ka gënjyer pasi kolektori i ujërave të zeza nuk ka qenë i fituar asnjëherë ose nuk ka qenë temë për me fillua me u konkretizua si nevojë e madhe jetikë e qytetareve të Komunës së Rahovecit. Tash me impiante të vogla edhe të mesme, ne po provojmë ashtu diçka siç kemi vepruar në fshatin Kramovik me UNDP-në, po ashtu mund të bëjmë edhe në pjesë të tjera apo pika të tjera kritike ku është nevojë jetike për trajtim me adekuat të ujërave të zeza në lokalitete. E kemi futur si kodë në sistem të Ministrisë së Ekonomisë dhe Ambientit edhe do të ishte mirë impiante të vogla në ato pjesë me mbërri me bo ku ka vërtet nevojë shumë të madhe. Te inspektorët – ju e dini se inspektorët, policia, punëtorët shëndetësorë edhe plot partner tjerë kanë kontribute të jashtëzakonshme në periudhën që jemi tani në kohë pandemie, ndoshta ne do të kishim shumë pakënaqësi kur nuk është periudhë pandemie për shkak se ndoshta nuk ka stafe të mjaftueshëm, për shkak se ndoshta nuk e kryen punën sa kërkohet edhe sa duhet ndërsa në kohën e pandemisë, unë mendoj se inspektorët e komunës së Rahovecit kanë krye punë të vazhdueshme edhe jashtë orarit të punës, pastaj kanë pasur probleme me stafe, siç e dini një punëtorë i komunës ka vdekur, disa të tjerë janë infektuar por përballje sa i takon ushtrimit të përgjegjësisë të veta kanë qenë aktiv gjatë gjithë kohës së pandemisë e sigurisht edhe tash vazhdojnë me kapacitetet që i kanë sot. Sigurisht se nuk janë trajtuar sa duhet pasi vetëm njëherë janë trajtuar në kuadër të pakos emergjente dhe nëse rishikimi i buxhetit kalon në kuvendë të Kosovës ndoshta mund të trajtohen mjekët dhe infermierët e sigurisht edhe inspektorët e policia por punën unë po mendoj se janë duke u munduar ta kryejnë sa më mirë që është e mundur ndoshta edhe rrethanat pandemike po diktojnë ata me qenë më të mobilizuar, e po ashtu edhe kërkesat tona po diktojnë që ata me qenë me të organizuar edhe funksional madje punojnë edhe 24 orë pra edhe gjatë ditës edhe natën edhe sipas rrethanave po ashtu bëjnë edhe veprime të kombinuara bashke me inspektorët sanitarë të nivelit qendrorë që marrin pjesë në aksione të ndryshme. Me UN-Habitatin ne kemi një marrëveshje pasi me 1 Shtator pritët me u shpallë konkursi i projektimit për sheshin qendror të qytetit, ku përfshin prej palestrës pastaj gjithë zonën që është parkingu pastaj stadiumi, tregu, pastaj

aty ku është kafiteria Hardhia dhe gjithë objektet e vjetra që janë, pastaj parkingun e hotel Parkut e madje mund të përfshin ndoshta edhe pjesën e parkut Toni e Mici. Pra ne me UN-Habitat-in kemi ndërmarrë të gjitha veprimet që procesi me qenë transparent, kushtet për shpalljen e konkursit ndërkombëtar të projektimit me qenë transparente, ata i kanë bërë disa veprime edhe në kohën e pandemisë e bëjnë sa me gjithëpërfshirëse edhe transparente gjithë procesin dhe me 1 shtator shpallet konkursi ndërkombëtar i projektimit pastaj projekti me i mirë zgjidhet nga juria që është kryesisht nga UN-Habitat-i me ndonjë arkitekt që kryesisht mundet me pas komuna e jonë që kryesisht vendimin ata e marrin dhe pas përzgjedhjes se projektit më të mirë ideor, atij që e ka fitua të drejtën i jepet mundësia me bo projektin detale në projektin kryesorë. Vitin e ardhshëm parashihen veprime konkrete për sa i takon ekzekutimit të projektit me të mirë që zgjidhet midis komunës së Rahovecit dhe UN-Habitat-it. Fusha e futbollit do të largohet ehe siç e dini është vendosur tek epopeja e UÇK-së, pasi quhet si zone turistike me planin e vjetër zhvillimorë komunal dhe aty janë të ndara sipërfaqet kurse këtu kanë qenë pronë e agjensionit pyjorë dhe ne e kemi fituar të drejtën me qenë pronë komunale dhe janë vonuar për shkak se buxheti i Kosovës kur u miratua me 15 Mars të këtij viti ka pasur shkurtime buxhetore edhe unë nuk dua për komunat tjera pasi tabelat dhe shifrat i kam edhe i kam këqyrë me shume kujdes dhe ne kemi shkurtime buxhetore, e në këtë rastin konkret ka pasur me fillua sivjet bilum me sakte u deshtë me fillua procedurat në fund të vitit 2019 mirëpo ata e kanë shtye për vitin e ardhshëm edhe e kanë miratua që projekti i stadiumit i kategorisë 2 i përshtatshëm edhe për ndeshje ndërkombëtare të shtyhet për vitin 2021. Unë mundem me ju sigurua fakte të padiskutueshme që kjo është e vërtetë siç e kanë shtyje edhe stadiumin në Ratkoc. Pra përveç që kemi shkurtime buxhetore me 15 Mars vendimi i i fundit i Kuvendit të Kosovës për miratim të ndarjeve buxhetore për këtë vit pasi u vonua buxheti për këtë vit, ne kemi heqje të projekteve, shkurtime të fondeve dhe shtyrje të 2-3 projekteve të cilat nuk e i se kënd e kanë konsultua për me i bo këto veprime por e di që është gabim me ju pamundësuar komunave edhe ne investime kapitale për me ja heq projektet, me ju shkurtua fondet ose me ja shtyje projektet siç ka ndodhur. Mbrojtja nga breshëri- ne e marrim një kompensim 25% fermerët e dëmtuar nga breshëri dhe stuhi, fondi është ndae dhe komunës së Rahovecit i takojnë në bazë 2,641,000 euro ka qenë vlera totale e dëmit të shkaktuar me 19 dhe 20 Maj të këtij viti dhe neve na takojnë 660,551 euro. Po ashtu po tentojmë me i marr edhe 100,000 euro që kanë të bëjnë me dy raporte që ju kam dërguar më herët Ministrisë së Bujqësisë për dëmet nga erërat e forta dhe dëmet nga ngricat që ishin në fund të Marsit pra dëmet nga ngricat dhe dëmet nga erërat e forta, pra këto dy raporte janë 275,000 që 25% i bien afërsisht mbi 90,000 euro dhe nëse vërtet na japin atëherë gjithëpërfshirja pra fermerët dëmshpërblehen 25% dhe jo vetëm të një zonës pasi që me këtë raportin që kemi fitue të fundit edhe dëmi nga breshëri kryesisht kanë qenë në Hamoc mirëpo dëmet që kanë ndodhur nga erërat e forta sidomos në serra e që përfshin edhe pjesa tjera të komunës së Rahovecit. Sido qoftë është një lehtësi që megjithatë kemi mbërri me bo një presion pozitiv direkt institucional pasi kemi pasur edhe Ministrinë e Bujqësisë këtu edhe me mbërri me fitua të drejtën për me i kompensua fermerët 25%. Sigurisht se nuk është e mjaftueshme dhe dy mundësi janë që do ishte me i shfrytëzua e që realisht nuk po mundemi me i shfrytëzua rrjeta antibreshëre që janë me standarde neper Evropë dhe plot vende ku janë bujqësore dhe sistemi anti breshër- rakotor, që realisht nuk lejohet pasi është problem që i kalon kompetencat e qeverisë së Kosovës ose të institucioneve të Republikës së Kosovës, që është një problem që ka të bëjë me hapësirën ajrore që e kontrollon NATO nëpërmjet hungarezëve dhe ne kemi bërë edhe një përpjekje pasi ju e dini ë unë UNMIK-un nuk e njoh hiq, që komuna jonë në mënyrë indirekte që me ndikue, po ashtu edhe nënkryetari Fatmir Iska është dëshmitar që ata me bo presionin tek administratori i Unmik-ut që njësie e OKB-de dhe Unmiku që është në Kosovë me ndikua te këta sipas rezolutës 1244 me KFOR-in apo të të NATO-s që me pas mundësi me bo diçka që Kosovës me ju mundësua sistemi rakotor kundër breshër, edhe kjo nuk është vetëm kërkesë e komunës së Rahovecit por e gjithë Kosovës. Pra kemi provua me gjet edhe mekanizma tjerë për me ndikua që me pas mundësi që ndoshta edhe

me bo diçka ne sistemin raketer anti breshër, përndryshe ne Serbi ka qene funksional por ka dal prej përdorimit mirëpo kanë dalë disa sisteme te reja që nuk e di sa munden me u aplikua ne Kosovë, sigurisht që kërkojnë financim pasi është program me vlera të larta investive por Kosova është mirë me pas sistemin për mbrojtjen nga breshëri raketer apo rrjeta antibreshër apo fondi i sigurimeve bujqësorë që marrin pjesë fermerët edhe pastaj paguhet për dëmet që mund të ju shkaktohen nga fatkeqësitë natyrore edhe ne këtë drejtim ka probleme për shkak se kompanitë e sigurimeve nuk dëshirojnë me marr përsipër me kompensua fermerin nëse dëmtohet nga breshëri sepse është diçka e paparashikueshme edhe ata nuk dëshirojnë me marr përsipër. Riparimet në shkollë – njëri lot është fituar dhe është lidhë kontrata, loti i dytë vazhdon procedura dhe ne ato lote është riparimi i shkollave po ashtu edhe riparimi i shkollës ne Gexhë, edhe oborri i shkollës ne Malësi të Vogël por edhe të gjitha shkollat ku ka nevojë për ndërhyrje në nyje sanitare, ne riparime, ne rrethoja ne të gjitha shkollat ku ka nevojë në komunën tonë. Trotualet - kërkesat për rrugë dhe rrugica janë të mëdha, pra dua të ju them se vetëm rrugën katër korsi qeveria që shkoj ka bërë propozimin ne parlament që brenda ditës 1,100,000 euro të hiqen nga rruga katër korsi pra vetëm në këtë projekt po ashtu edhe dy kode tjera na ka hequr që lidhen me rrugë lokale në qytet dhe fshatra pra i kan larguar pa ndonjë arsye me vendimin e 15 Marsit dhe tash ne grandin e përfomances që kemi fituar 255,751 euro u deshtë me ndaje në gjysme ne rrugë lokale dhe ne trajtimin e shtretërve të lumenjve. Pra këtë fond ne kemi mundur me ndaje krejt për diçka tjetër mirëpo u deshtë me ndaje për projektet që i kemi pasur edhe jemi kon të sigurt që kemi mbështetjen e nivelit qendror. Sido qoftë rrugë rrugica edhe trotuarin për të cilën është biseduar në këtë sallë dikur ka me u bo, sigurisht që do bëhen pasi lidhen me procedurat p.sh. çështja e ndërtimit të rrugëve dhe rrugicave është në procedurë dhe shpresoj që shume ka me u lidhë kontrata, nëse nuk do të kemi ndonjë ankesë atëherë ne ato rrugë janë të përfshirë edhe trotualet e sigurisht edhe trotuari për të cilin po flasim.

Sali Sallteku – Faleminderit kryesues, vërtet ishte një referat i gjatë dhe i mirë e sigurisht që e kemi përcjellë gjithë raportin mirëpo për shkak të gjendjes që jemi me maska do ishte mirë të jemi sa me të shkurtë gjate diskutimit. Faleminderit për mirëkuptimin tuaj.

Ali Zhuniqi – Unë e mbështes kolegun paraparak që tha jo për shkak të temperaturës brenda por për shkak të situatës dhe rrethanave për pandemi gjithashtu edhe ne lidhje me diskutimin e raportit 6- mujor nga kryetari që ka bo, unë mendoj që ka punë të mira që janë bo edhe sigurisht edhe shume punë që kanë nevojë me u kritikua por ne raport me kohen edhe ne lidhje me situatën, ne kemi dashur me përgjysmua sa me shpejt edhe me u shpërnda nga kjo sallë për shkak të situatës. Por një gjë që nuk është në rregull kryetar nga ju pasi brenda fjalimit tuaj që ju thatë, keni rae ne kundërshtim me fjalët e tua dhe ne e dimë se kërkesën për funksionalizimin e repartit të hemodializes ka qenë dhe unë po besoj që keni bërë në formë protokollare kundrejt QKUK-së dhe spitalit regjional dhe kundrejt Ministrisë. Andaj nuk është e drejtë të lëshoheni në polemika karshi kundër Ministrit Vitija për arsye se ka qenë kërkesë e jotja edhe sigurisht ato kërkesa shqyrtohen në Ministrinë e Shëndetësisë andaj si i tillë nuk është mirë në situatën që jemi të lëshoheni në polemika të tilla, pasi do të shihni edhe procesverbalin që rae në kundërshtim me fjalët e tua, ku në njërin anë thënë që ka qenë qellim edhe kërkesë e jona me u funksionalizue ndërsa ne anën tjetër thojshë që nuk u deshtë me u hapë për shkak të pandemisë dhe unë nuk e besoj që duke e njohur edhe personalisht z. Vitija është lëshuar në nivele të tillë si ju e prezantuat, për arsye se edhe ai i njeh mirë rrethanat e pandemisë dhe si i tillë nuk qëndron edhe nuk besoj që keni pasur të drejtë pa dashtë me të sfidua në lidhje me këtë aspekt ose me të qitë ty poshtë por unë mendoj se nuk është e drejtë.

Kryetari – Nuk po dua të bëj replikë, ideja është se nuk me keni kuptuar pasi unë kam thënë se ne kemi kërkuar zyrtarisht hapjen e hemodializes por nuk kemi kërkuar asnjëherë që hapja me qenë vetëm në kohë pandemie pra vetëm gjate periudhës se pandemisë me qenë e hapur pra këtë koncept e kemi refuzuar, pra reparti i dializes me u hap mirëpo ne momentin kur të hapet që të mos mbyllet asnjëherë dhe jo me qenë e

hapur vetëm në periudhën e pandemisë. Dhe ne këtë kundërshtim e kemi bërë me rrugë ligjore që mos me zbatua atë vendim ose me u ndryshua ai vendim. Pra ne kohe pandemie po si po hemodializa por kur të hapet që mos të mbyllet anjeherë. Pra ne i kemi trajtuar këto situata në mënyre institucionale. Pra e gjithë lufta jonë ka qenë se jemi për ta hapur repartin e hemiodializes mirëpo jo të funksionoj vetëm gjatë kohës së pandemisë dhe koha e pandemisë atëherë nuk është ditur se sa do të zgjasë, sepse ne kemi menduar se do të zgjas vetëm 2-3 muaj por po del se nuk është ashtu.

Munib Durguti – Faleminderit shume, edhe unë do të jem shume i shkurtë në lidhje me temën dhe e shoh të arsyeshëm të lidhem sadopak pasi për një kohë të gjatë kam qenë i lidhur me këtë temë. Ajo që tha kryetari edhe qëndron dhe për mua ka qenë shume e habitshme pasi e kam përcjell këtë proces, se si erdhi një vendim i tillë pra një vendim në shpërputhje me punën edhe me vendimet paraprake që i ka sjellë bordi i SHSUK-së. Pra e kemi një vendim për hapje të përhershme d.m.th. vendimi i parë flet për hapje të përhershme të hemodializes dhe i ka marrë për bazë shkaqet, rrethanat, numrin e pacienteve e kështu me radhë. Ky vendim i qeverisë paraprake, shkon edhe me tej ku thotë se hapet për pacientë pozitiv d.m.th. e degradon komplet investimin e komunës, komplet donacionin edhe personelin i cili një pjesë e personelit ka vite që është pranuar këtu pra është krijuar këtu stafi dhe sigurisht që kryetari ka bërë mirë që ka pasur qëndrime strikte që mos me lejua me degrada projektin. Pastaj janë ndërrua disa qeveri d.m.th. edhe unë kam qenë prej ithtarëve që qendra me u funksionalizue sa me shpejtë mirëpo me ndërrimin e institucioneve në Kosovë atëherë ndërrojnë edhe prioritete për sa nuk kemi kontunuitet. Prej bordit SHSUK-së, ish drejtorit SHSUK-së i cili ka qenë me qëndrime shume strikte, bilum me disa letra që kemi komunikua, e obligon SHSUK-në që me pajisë qendrën e dializës në Rahovec me një transfuzion dhe pastaj ai dokument harrohet prej drejtorit pasues, edhe ajo u bë problem me vite se nuk hapet qendra sepse nuk ka transfuzion. Drejtori e obligon SHSUK-në me na pajisë me transfuzion edhe kjo disi ai dokument humbet edhe askush nuk e merr asnjë përgjegjësi d.m.th. humbet në borde. Iniciativa e fundit është shume e mirë dhe shume konkrete, unë e kom pae atë kërkesë ku kërkohet hapja e përhershme gjithashtu kërkohet që transfuzioni të sigurohet prej dy qendrave spitalore Gjakovë-Prizren dhe kjo mos me qenë problem. Unë kisha një vërejtje tek plotësimi i personelit nuk përmendet emri i inxhinierit të ndërës Agim Thaqi, ku në atë kërkesë kryesuesi i komisionit për hapje të përhershme drejtori i spitalit nuk e përmend atë pozitë që është pozitë që i takon qendrës së dializës dhe nuk e di a është ndonjë lëshim që është harruar. Po ashtu drejtori është mirë që me qenë në kontakt permanent dhe me kërkua ato 13 vende që i ka ndaje kuvendi i Republikës së Kosovës dhe të vinë komplet ne Rahovec.

Kryesuesi - Faleminderit z. Durguti, të nderuar kolegë faleminderit për kontributin, kalojmë në pikën e katërt të rendit të ditës:

4. Shqyrtimi i Raportit nga Drejtoria për Buxhetë dhe Financa për periudhën 6-mujore Janar-Qershor 2020.

Afrim Limani – Përshëndetje për ju kryesues, të nderuar asamblistë dhe gjithë ju të pranishëm. Raporti financiar i komunës së Rahovecit është i harmonizuar në mënyre të plotë me departamentin e buxhetit të Financave në kuadër të Ministrisë së Financave, edhe pse e kemi pasur një afat të shkurtër për përgatitjen në mënyre që me datën dhe kohen e caktuar të jetë në duart e juaja. Ky raport përbëhet prej 3 pjesëve: pjesa e të hyrave, pjesa e realizimit të buxhetit apo shpenzimit të buxhetit dhe pjesa e tertë është raporti i zyrës së prokurimit do të thotë të gjitha kontratat të cilat janë lidhur 30 Qershor 2020 janë të inkorporuara në këtë raport. Për dallim prej viteve tjera, për shkak të situatës së pandemisë Covid-19 të hyrat kanë një ramje të dukshme në raport me vitin e kaluar dhe në raport me planifikimin. Të hyrat në total janë 404 602 euro dhe nëse e krahasojmë me periudhën e njëjtë të vitit të kaluar, e kom fjalën tek të hyrat e rregullta kemi një ndryshim negativ prej 124,622 euro ndërsa në raport me planifikimin duke përfshirë këtë periudhë 6-mujore atëherë kemi një zvogëlim apo ramje të hyrave me vlerë prej 173,816 euro. Në faqe numër 4 kemi të prezantuar një tabelar, të hyrat e rregullta bashke me gjobat e gjykatave dhe gjobat e trafikut, që do të thotë ne

total të hyrat e rregullta janë 478,462 euro ndërsa vitin e kaluar kemi 612,672 euro që i bien një ndryshim negativ në total 134,210 euro. Në faqe numër 5, kemi të prezantuar të hyrat sipas kategorive ekonomike dhe nëse i referohemi shtyllës së katërt e shohim se gati në çdo kategori ekonomike dhe në çdo lloje takse ka një zvogëlim pra një diferencë negative në raport me periudhën e njëjtë të vitit të kaluar me përjashtim të taksa për legalizimin e objekteve që është një ndryshim pozitiv që ka filluar për herë të parë së aplikuari dhe e falënderojmë Fehon që na ka ndihmuar në planifikim në të hyra. Për kundër situatës në kemi arrit që punëtorët tanë të dalin në terrenë edhe kanë bërë verifikimin e objekteve dhe e dimë se që është një kriter bazë për definimin e pasqyrave financiare, nëse nuk bëhet verifikimi të paktën e 1/5 apo në shifër të na bien diku 2400 objekteve atëherë automatikisht pasqyrat financiare marrin një opinion negativ dhe në deri në këtë periudhë kemi arritë që të paktën ti verifikojmë deri në 969 objekte. Në faqe numër 7, kemi shpenzimin e buxhetit në total sipas kategorive ekonomik dhe në kuadër të programeve. Shpenzimi i buxhetit deri në këtë periudhë është në masën prej 6,639,965 euro apo shprehur në përqindje është 45.06% dhe ajo çka e karakterizon këtë është se investimet kapitale kanë një rritje të shpenzimit të buxhetit në përqindje prej 56.98%. Në faqe 9-13 kemi të prezantuar në raport shpenzimin e buxhetit në kuadër të mallrave dhe shërbimeve dhe sipas kategorive ekonomike dhe në faqe 12 e kemi në total një rekapitullim të këtyre shpenzimeve dhe ajo qfarë deshta më than se në këtë periudhë 6-mujore shpenzimi i buxhetit është në raport me periudhën e njëjtë të vitit të kaluar është dukshëm më i madhe sepse në si drejtorie financave apo si komunë kemi dhënë prioritet të gjitha obligimeve apo të gjitha faturave që kanë qenë të paraqitura i kemi ekzekutua dhe i kemi bërë pagesën e tyre duke marrë parasysh edhe situatën në të cilën jemi gjendur sepse operatorët kanë pasur nevojë mjete financiare. Në faqe 13 kemi të prezantuar shpenzimin e buxhetit sipas komunalive ndërsa krejt në fund e kemi raportin e zyrës së prokurimit, të gjitha kontratat që janë lidhur deri me 30 qershor ku vlera e lidhjes së kontratave është 784,486 euro.

Kryesuesi - Faleminderit shumë drejtor për prezantimin dhe paraqitjen e raportit 6 mujorë të drejtorisë për Buxhete dhe Financa. Të nderuar kolegë kuvendarë, ne e kemi shqyrtuar edhe trajtuar edhe në komitetin për Politikë dhe Financa, nëse ka dikush diçka rreth kësaj pike pasi nuk po shoh që dikush dëshiron me shtua diçka rreth kësaj.

Sali Sallteku – Unë e pash që edhe drejtori ishte shumë i qartë edhe në përmbajtje e kemi përcjellë. Unë kam një propozim nëse edhe ju dakordoheni edhe ju të gjithë . Unë besoj që për dy orë mundemi me krye krejt dhe nëse pajtoheni kisha thënë që me vazhdua edhe me përfundua pasi vërtet është nxehtë i madh edhe jemi në një situatë të tillë pandemike.

Kryesuesi – Faleminderit shumë z. Sallteku, vërtet ne e kemi diskutuar të gjitha edhe në komitetin për Politike dhe Financa por kemi rendin e ditës pak më të ngarkuar edhe sigurisht që varet krejt nga ne se sa të zgjatemi dhe nëse ju pajtoheni e kishim vazhduar edhe e kishim përfunduar. Atëherë meqë nuk kemi tjerë të lajmëruar, kalojmë në pikën e pestë të rendit të ditës:

5. Shqyrtimi dhe aprovimi i propozim vendimit të Kryetarit të Komunës për dhënien e pronës së paluajtshme personave fizik dhe juridik në shfrytëzim afatgjatë.

Afrim Oruqi – Faleminderit kryesues, i nderuar nënkryetar, të nderuar drejtorë kolegë, të nderuar anëtare të KPF-së. Para juve kemi vendimin për dhënien në shfrytëzim afatgjatë me kërkesë të Kryetarit të fshatit Çifllak. Bëhet fjalë për zonë kadastrale në Çifllak për parcelë P-00169 dhe kjo parcelë është në emër të pronës shtetërore të Kosovës, bëhet fjalë për 35 ari 41m². Këshilli i fshatit ka kërkuar prej kësaj sipërfaqe në marrë në shfrytëzim afatgjatë prej 99 vite në sipërfaqe prej 250 m². Qëllimi i kësaj sipërfaqe në shfrytëzim është në interes të përgjithshëm dhe këshilli i fshatit Çifllak për qëllime me ndërtua një objekt i cili do të shërbejë komunitetit aty. Afati kohor është për 99 vite dhe prona jepet në shfrytëzim pa kompensim, pa të drejtë të kalimit të pronarit pra toka mbetet prapë në pronë shtetërore KK. Rahovec. Pas aprovimit të vendimit të

kryetarit, do të bëj një kontratë të veçantë ku nuk do të tjetërsohet pronari. Ftoj anëtarët e Kuvendit që pas shqyrtimit të aprovojnë vendimin për dhënin në shfrytëzim afatgjatë të pronës në zonë kadastrale në Çifllak.

Kryesuesi –Faleminderit drejtor, e thash edhe edhe me herët se e kemi trajtuar në Komitetin për Politikë dhe Financa dhe i kemi rekomandua edhe Kuvendit për aprovim. Atëherë nëse nuk ka diçka rreth kësaj pike, e qesim në votim pikëm e pestë të rendit të ditës. Konstatoj se unanimisht aprovohet pika e pestë e rendit të ditës. Kalojmë në pikën e gjashtë të rendit të ditës:

6. Shqyrtimi dhe aprovimi i Propozim vendimit të Kryetarit të komunës për dhënien e pëlqimit për këmbim të pronës publike komunale P - 04381-0

Afrim Oruqi – Bëhet fjalë për këmbim të pronës ndërmjet parcelës shtetërore të Kosovës KK.Rahovec P – 04381-0 pronë shtetërore e Kosovës ku kësaj parcele të i merret sipërfaqja prej 126 m2 dhe të i bashkëngjitet parcelës private në emër të Asllan Çantës nga Rahoveci ndërsa parcelës me pronar Asllan Çanta nga Rahoveci të i merret sipërfaqja e njëjtë prej 126 m2. Qëllimi i këtij këmbimi është se këto parcela pra kjo parcelë private dhe parcelat tjera përreth kësaj parcele nuk kanë rrugë publike dhe çasje, pasi janë të bllokuara disa prej këtyre parcelave dhe kjo parcelë private kufizohet me një parcelë shtetërore e cila tash e shume vite shfrytëzohet dhe është rrugë e kalueshme pasi pronarët përreth saj veç e kalojnë. Mirëpo sipas kërkesës dhe qëllimi jonë është që me këmbje edhe me rregullua këtë hapësirë atje edhe me bo rrugë publike d.m.th. me përpjesëtua ne mënyre të barabarte pra aq sa i merret edhe të i jepet. Secili prej jush e keni një raport të një komisioni i cili është themeluar për ta vlerësuar pronën që japim dhe që marrim pasi është kategori e pronës se njëjtë pra zonës kadastrale të njëjtë. Qëllimi është hapja e rrugës dhe dalja e pronave private në rrugë publike. Ftojë kuvendaret që pas shqyrtimit të aprovojnë propozimin e vendimit për këmbimin e pronës komunale me pronë private.

Fehmi Cena – Mendoj që kur është në pyetje kërkesa për këmbimin e pronës publike me atë private, komuna duhet të jet syhapur që vërtet me ju dal në ndihmë rastit të qytetarit për atë që kërkon kur është interesi i tij por në anën tjetër gjithmonë duhet të ketë parasysh që të mos dëmtohet parcela që është pronë shtetërore apo nëse ka mundësi në të njëjtën kohë të kryhet edhe ndonjë veprim tjetër në shërbim të qytetareve të tjerë që kanë pronat e tyre private. Drejtori e tha që ky rirregullim i mëgjeve ka të bëjë me tepër me përhapjen e rrugës por vetëm për një parcelë private ndërsa e ceku se disa parcela tjera private aty nuk kanë rrugë. Tash në një të ardhme të afërt edhe ata mund të kërkojnë diçka të ndryshojnë aty për interesa të tyre. Është e vërtete se paska dal ai komisioni dhe ne i besojmë atij komisioni që ka dal në terrenë me bo vlerësimin mirëpo unë mendoj që komisioni edhe ne këtë rast edhe ne raste tjera duhet të ketë parasysh kur del në terrenë për një parcelë për një veprim, ndoshta me një veprim mund të kryhen edhe veprime tjera që me i zgjedh çështjet edhe të palëve të tjerë sepse edhe ata mund të kërkojnë të njëjtën gjë. Pra nëse është në pyetje rruga atëherë është deshta ndoshta me u angazhua për të gjitha ato parcela që me u zgjedh me një lëvizje me një veprim edhe çështja e tyre. Natyrisht duhet të kihet parasysh gjithmonë që prona shtetërore të mos dëmtohet ose le të dëmtohet pak por në të jetë në interesin e shumicës e jo vetëm të njëjës palë.

Fehmi Hoxha – Faleminderit kryesues, shumicën çka deshta me than veçse e tha edhe z. Fehmi Cena pasi ky ka qenë problem i madhe edhe me herët pasi edhe ne jemi përball me këto probleme, sinqerisht është mirë që ka dal edhe ky propozim pasi kishte mundur me ardh edhe deri te ndonjë mosmarrëveshje, edhe sigurisht edhe pajtohem me diskutimin e doktorit. Njëherë deshta me tërheq fjalën por vetëm edhe këtë e thash.

Sali Sallteku – Unë kam qenë në atë vend me herët edhe bisedova me Munibin sigurisht se do të uleshin tensionet dhe konsideroj se duhet me krye sepse ja vlenë sa me parë me zgjidhë atë çështje pasi ka shume vite si procedur dhe do ishte mirë te i jepet zgjidhje.

Kryesuesi – Faleminderit shume z. Sallteku, atëherë të nderuar kuvendarë e qesim në votim pikën e gjashtë të rendit të ditës. Konstatoj se unanimisht aprovohet pika e gjashtë e rendit të ditës. Kalojmë në pikën e shtatë të rendit të ditës:

7. Shqyrtimi dhe aprovimi i Propozim vendimit të Kryetarit të Komunës për dhënien e pronës se paluajtshme personave fizik dhe juridik në shfrytëzim afatshkurtër.

Afrim Oruqi – Të nderuar anëtarë të Kuvendit, para jush keni vendimin për dhënien në shfrytëzim afatshkurtër, që bëhet fjalë për gjashtë (6) parcela ku 3 parcela janë në zonën kadastrale ne Rahovec, 1 parcelë në Bërnjak, 1 parcelë në Fortesë dhe 1 parcelë në zonën kadastrale në Xerxe. Qëllimi është dhënia në shfrytëzim afatgjatë prej 15 viteve, prona e paluajtshme janë të gjitha pronë shtetërore të Kosovës KK. Rahovec. Pra bëhet fjalë për parcelën P-07998-0 me një sipërfaqe prej 25 ari e 77m² në Rahovec. Bëhet fjalë për parcelën P-04475-0 me sipërfaqe 30 ari 93m² në zonën kadastrale ne Rahovec, bëhet fjalë për parcelë kadastrale në Bërnjak P-36-0 me një sipërfaqe prej 39 ari 12m², bëhet fjalë për parcelën P-0438-1 me sipërfaqe prej 12 ari 8m² në zonën kadastrale në Rahovec, bëhet fjalë për parcelën në zonën kadastrale në Bellacerkë P – 101833-0 me sipërfaqe prej 26 ari 15m² dhe bëhet fjalë për parcelën P – 02164K-7 me sipërfaqe të përgjithshme prej 1 hektar 37 ari e 0,7m². Qëllimi është dhënia në shfrytëzim e këtyre pronave, të gjitha janë publike, përveç kësaj është ruajtja dhe rritja e vlerës së pronës komunale. Afati kohorë për dhënien në shfrytëzim të këtyre pronave është 15 vite. Propozimi është Komuna e Rahovecit e ruan të drejtën që gjithmonë kur të shihet të arsyeshme që të ndërpres kontratën dhe nëse ka ndonjë planë tjetër që është në interes me të veçantë dhe të përgjithshëm përveç kësaj. Procedurat e këtij pas aprovimit të vendimit do të shkojnë të gjitha këto prona në ankand publik, ku qytetarët kanë të drejtë aplikimi për me i marrë në shfrytëzim me qira dhe çmimi do të caktohet sipas rregullores për takse dhe tarifa komunale. Ftojë kuvendarët që të votojnë propozim vendimin për dhënien e pronave me qira.

Munib Durguti – Faleminderit kryesues, tash e kemi propozim vendimin përpara por unë mendoj dhe kisha propozua që këto 6 parcela me i ndaje në 6 vendime ashtu siç kemi vepruar deri me tani d.m.th. përfshirja e këtyre 6 parcelave me një vendim nuk me duket e arsyeshme. E di që ka me shkua ne ankand edhe ofertuesit kanë me pas zgjedhje me shume mirëpo kur kemi të bëjmë me prona duhet të jemi pak me të kujdesshëm edhe me shkua hap pas hapi ashtu siç kemi vepruar deri me tani.

Masar Popaj – Unë deshta të ndalem te parcela kadastrale sipas certifikatës se pronës 1833K me sipërfaqe të përgjithshme prej 2615m² në kulturë arë e klasës së tretë, zona kadastrale në Bellacerkë në vendin e quajtur T13 të evidentuar pasuri shtetërore. A banë me ditë se ku është saktësisht kjo pronë në Fortesë.

Fehmi Hoxha – Më herët me kujtohet para disa seancave, a ka ekzistuar ndonjë kërkesë që sigurisht edhe kanë të drejtë me bo kërkesë edhe qytetarët, të fillojnë procedurat e gjithsesi që zhvillohet procedurat përmes ankandit i jepet mirëpo këtu duhet me pas një arsyeshmëri, që sigurisht me ruajte pronën. Mirëpo duhet me dit se kush po dëshiron me marr atë pronë, a po dëshirojmë me ja dhënë dikujt apo si po duam me veprua. Unë them se duhet te jepet një arsyetim siç e tha edhe z. Durguti që tash i kemi 6 parcela me një vendim që nuk janë në të njëjtin vend. Pra duhet një arsyetim me të mirë dhe të duhur nga drejtorit.

Afrim Oruqi – Faleminderit kryesues, sa i përket pyetjes se parë, këto 6 parcela janë të ndara pra janë zona kadastrale. Ne i kemi qitë për shkak të ekonomizimit të kohës me një vendim pasi këto parcela kanë me shkua veç e veç ne ankand publik dhe për këto parcela kanë me pas të drejt me aplikua me shume se një person d.m.th. nuk kanë me shkua ne bllokë. Pra kanë me u dhanë, kanë aplikua dhe kanë kërkuar me shume se një person këto parcela, qëllimi është se në një prej seancave të kaluara të kishim qitë veç e veç atëherë do të kishim sot plus edhe 6 pika tjera të rendit të ditës pra kjo ka qenë ideja. Dhe nëse ju vendosni atëherë herën tjetër ne mundemi me i qitë veç e veç d.m.th. kjo është ideja pasi që këto janë të ndara dhe ne ankand publik kanë me shkua veç e veç pasi kanë me u bo 6 kontrata dhe kanë me përfitua 6 aplikues sigurisht kush jep me shume sipas ankandit publik. Në bazë të pyetjes se ku gjendet kjo parcelë, ju them se zona kadastrale në

Fortesë është e madhe dhe duhet me pas gjeodet këtu dhe me pas gjeoportale saktësisht me specifikua se ku gjendet saktësisht kjo. Unë mundem me informua kuvendarin nëpërmjet emailit dhe me ja precizua ndonjë objekt afër që e ka me shkrim dhe një ortofoto saktësisht se ku gjendet. Dhe arsyja se pse po jepen me qira sepse përveç tjerave shumica e këtyre pronave janë prona të komunës pra prona shtetërore të Kosovës edhe ashtu po përdoren edhe po shfrytëzohen edhe ne nuk kemi mundësi me inkasua mjete materiale. Qëllimi përveç që është i paraparë me këtë vendim me pikë , që është me i ruajta e me i mbrojta e me i pamundësue njerëzve me u thirrë pash shfrytëzimit mbi 1- apo 20 vite dhe nëpërmjet avokateve me bo padi që me fitua të drejtën e pronësisë atëherë ne përveç që dojmë me i ruajta këto me i mbrojta me i dhanë me qira dhe sigurisht që me përfitua nga këto edhe me i kthye në investim kapital në rrugë, në ndriçim dhe punë tjera.

Rasim Fazliu – Faleminderit kryesues, edhe unë pajtohem plotësisht me kolegët që diskutuan paraprakisht. Ne këtu marrim vendim për me i dhanë këto prona për shfrytëzim përmes ankandit gjithsesi, por vendimi të jetë i qartë që secila pronë me u dhanë me vendim të veçantë. Nuk është problem që i keni sjellë kështu mirëpo për mos me shtyje për mbledhjen e radhës, si kuvend ne marrim qëndrim që secila ta ketë ankandin e veçantë për secilën pronë të jetë e veçante, kjo është e para. Pastaj qëllimi çdo herë thuhet kështu edhe për të gjitha qeverisjet që kemi kalua që të behet ruajtja e pronës, siç u drejtua një pyetje nga kolegët se kush po i merr këto prona. E sigurisht po i marrin matrapazët që sigurisht po e gjejnë rrugën dhe mënyrën si me i përvetësua, kështu që unë jam për atë që me i ruajta dhe është mirë me i ruajta. Ne e dimë shumë mirë se komuna e Rahovecit se sa hektarë i ka pasur dhe tani nuk e di edhe sa i ka tash sepse neper rrugë të ndryshme që i dinë ata vet edhe i kanë kalua ato dhe ne bashkëpunim me te tjerët dhe tash kemi shume pak prona komunale. Pra unë jam për ruajtjen e pronës por deshta një pyetje konkrete me bo tek 2.6, në Komitetin për Politike dhe Financa që e kemi shqyrtua pasi këtu ka qenë edhe një kërkesë e një zotëri që ka qenë me sa kujtohem Samedin Isa Krasniqi nga Rogova dhe ai ka bo kërkesën për me kultivua pula shtëpiake por jo fermë pra me krijue si oborr për rritjen e pula shtëpiake me sipërfaqe 2817m² kështu e kemi pasur në KPF, po e potencoj nëse nuk jam gabim kërkesa e tij. Është mirë me na tregua drejtori se nëse ai ka kërkuar këtë sipërfaqe prej 2817m² atëherë si ruhet kjo sipërfaqja 13,707m², pra është në pyetje krejt kjo sipërfaqe apo vetëm 2817m² pra po kërkojë sqarime nga drejtori.

Sali Sallteku – Është e vërtetë se kjo u sqarua nga ana e drejtorit edhe u bë mirë që secila të sjellët veç e veç. Edhe unë po dua të di se ku gjendet kjo pronë në Xerxe, pasi në pronat në Çifllak dhe Rahovec ishin të qarta edhe sigurisht që kjo punë u deshtë të kryhet sa me parë. Mirëpo këtu pak po ka hapsirë për dyshime edhe në Xerxe është mirë me ditë dhe me lanë për mbledhjen tjetër që me pas mundësi me i qitë veç e veç edhe me u konsultua edhe me ditë se ku gjenden. Pra unë kështu kisha propozua sepse nuk po dimë se ku gjenden e posaçërisht në Xerxe nëse është ai vend atëherë është një problem që vazhdimisht është kërkuar në të gjitha kohët kështu që me mirë duhet të lëmë veç e veç edhe te kemi mundësi të shqyrtojmë në mënyrë të detaizuar. Pra unë jam që kjo të mbetet për mbledhjen tjetër e sigurisht nëse pajtohen të gjithë dhe të sjellën veç e veç edhe të shohim grafikisht në detaje se si është puna e tyre.

Kryesuesi - Faleminderit z. Sallteku, atëherë meqë vendimet duhet të merren veç e veç për secilën parcelë, ndoshta edhe unë jam i mendimit që nëse ju pajtoheni që te kemi për mbledhjen e ardhshme por duhet llogaritur se do të kemi edhe 6 pika tjera shtesë ne mesin edhe pikave tjera që kanë me qenë aty edhe ato me plan të kuvendit komunal.

Fehmi Hoxha – Sigurisht edhe 6 pika tjera por tani i kemi edhe jemi duke marrë vendimin që të miratohet shqyrtimi dhe aprovimi i propozim vendimit që ishte në Çifllak, këtë tjetrën e kryem kurse tash 6 po i bëjmë lëmsh në Rahovec. Pak ka rëndësi në seancën e radhës pasi kjo nuk është urgjente që duhet me na ardhë 6 pika. Ju mundeni me i qitë 2 prej këtyre 6 pikave e pastaj të vazhdohet ne seanca tjera, pasi nuk është shume urgjente. Kështu që unë pajtohem me z. Sali Salltekun edhe ne aspektin juridik që tha me herët z. Durguti,

kërkoj që për seancën e radhës pasi është pronë publike pronë komunale që vendos kuvendi komunal për hapësirat publike dhe pronat komunale është neni vendimmarrës. Pra ju duhet të përgatiteni mirë edhe nuk ka nevojë me i qitë menjëherë të gjashtat por cilat janë me prioritetet që sigurisht ekzekutivi i qetë në bazë të kërkesave që bëhen edhe synimeve mirëpo ju mos i qitni 6 por për mbledhje në radhës qitni 2 pasi në kemi ende seancat e radhës kështu që mos i bëni tollovi.

Fatmir Iska – Unë po pajtohem pasi edhe në fillim me kujtohet shumë mirë prej grupit parlamentar të PDK-së e di që për çdo pikë kanë kërkuar me qitë veç e veç në rendin e ditës e që edhe unë jam i pajtimit për këtë. Po ashtu jam i pajtimit për këtë pasi nuk kemi urgjenca shumë të mëdha këtu mirëpo drejtori e ka pae të arsyeshme në bazë të kërkesave që janë drejtua edhe pe rate arsye edhe janë qitë të gjitha pra 6 parcelat. Unë jam i pajtimit edhe dakordohem plotësisht me juve që këtë pikë të rendit të ditës me shtyje për seancën tjetër edhe ndoshta jo të gjitha me i qitë në rend dite. Por për gjithë këtë drejtori u bazua në bazë të kërkesave që kanë palët dhe ne do të shikojmë edhe rendin e ditës se nëse është i ngarkuar shumë atëherë do të qesim 2 apo 3 e pastaj në seancën tjetër kështu me radhë do të vazhdojmë në mënyrë që të ruhet ky interes publik.

Kryesuesi – Faleminderit nënkryetar, ne sa po e shoh ishin edhe propozimet e kolegëve që kjo pikë të shtyhet për mbledhjen e ardhshme. Atëherë duhet të qesim në votim për mbledhjen e ardhshme. Konstatoj se pika e shtatë e rendit të ditës shtyhet për mbledhjet e ardhshme të kuvendit të Komunës. Kalojmë në pikën e tetë të rendit të ditës:

8. Shqyrtimi Raportit nga DKA-ja rreth përfundimit të vitit mësimor 2019/2020.

Avni Morina – Faleminderit kryesues, përshëndetje për të gjithë. Do të jem i shkurtër sa i përket raportit. Atëherë nëse e keni lexuar raportin, vetëm pres pyetje nga ju dhe unë do të mbaj shënime dhe do të përgjigjem. Pra janë të pasqyruara të gjitha aktivitetet që i kemi pasur brenda kësaj periudhe. Faleminderit

Sali Sallteku – Faleminderit shumë. pasi i përkas edhe kësaj fushe unë do jem shumë i shkurtër. E dimë shumë mirë se në çfarë kushte kemi punuar dhe unë për veti kom shpreh respekt shumë të madhe se si e kanë krye deri tash mësimdhënësit me mësimin online që ka qenë, që vërtet ka qenë një punë shumë e madhe dhe shpresoj të fillohet edhe neper shkolla por sidoqoftë unë kam pae një angazhim edhe punë që vërtet kanë kërkuar që kjo punë të vazhdohet në këtë mënyrë dhe jo tjetër pasi rrezikohet edhe mësimdhënësi e sigurisht edhe fëmijët. Unë konsideroj se kjo ka qenë një punë e mirë dhe e mbarë dhe shpresoj që hiqet sa me shpejt Korona virusi dhe të kemi suksese me të mëdha.

Rasim Fazliu – Unë e pata një pyetje për drejtorin, ku këtu thuhet që 95 studentë janë përfitues të bursës dhe vetëm deshta me pyet se a i keni ndaje bursat dhe kur do të i ndani saktësisht.

Fatmir Iska – Unë do të jap përgjigjen për drejtorin, në vitin e kaluar i kemi ndaje bursat dhe tani e kemi shpallë konkursin, ka përfunduar afati, e kemi formua komisionin dhe tash komisioni ka me krye punën e vet por shpresoj se do të rrisim numrin e përfituesve bursist për këtë vite.

Kryesuesi – Faleminderit për informatën, atëherë meqë nuk kemi tjerë të lajmëruar, kalojmë në pikën e nëntë të rendit të ditës:

9. Shqyrtimi i Informatës nga DSHPS-ja për periudhën 6-mujore Janar – Qershor 2020.

Samir Mustafa – Përshëndetje për të gjithë. Informatën e keni me shkrim dhe vetëm desha të ju njoftojë që në Komunën e Rahovecit janë gjithsej 117 raste me Covid-19, ku 20 raste janë aktive, 79 të shëruar dhe 18 raste me fatalitet.

Fehmi Cena – E falënderoj drejtorin e shëndetësisë për këtë informatë, Siç e potencoj se ishte mjaft e shkurtër dhe unë e shoh se vërtet është shkurtër ndoshta është deshtë pak me gjerësisht të jetë informata rreth punëve që janë krye dhe po kryhen në institucionet shëndetësore sepse vërtet mendoj se është duke u bërë një punë e mirë dhe mjaft e madhe atje. Drejtori është përqendruar tek pandemia Covid-19 dhe gjërat janë të qarta, siç e diskutuam edhe në raportin e Kryetarit që shumicën e gjërave u thanë dhe nuk dëshirojmë me i përsërit këtu. Unë e kam thënë edhe në mbledhjen e Komitetit për Politikë dhe Financa edhe sot e them që në këtë informatë ndoshta është deshtë me u prezantua edhe një pjesë e punës se stafit shëndetësor për punën që po e bëjnë në këtë kohë edhe rrezikun e madhe që po e marrim përsipër. Po ashtu mos të harrojmë se punëtorët shëndetësor

janë duke punuar me kapacitet të plotë me orar të plotë pastaj nuk kemi të drejtë edhe për pushimin shëndetësorë me shfrytëzua dhe duhet të ceket pasi kjo informatë faktikisht është edhe një formë si gjysme raporti tani. Pastaj tek pjesa sociale që është, karantinimi i viktimave të dhunës në familje ku thuhet se ka pasur dy raste të dhunës gjate kësaj periudhe që ceket aty dhe po ashtu me intereson është edhe strehimorja regjionale që ne e kemi përmend më herët diku në Gjakovë ku gjithashtu i shërben edhe qytetareve të dhunës familjare edhe për komunën tonë, nuk e di a është duke funksionuar ajo për arsye se këto dy raste i kanë dërguar në qendrën studentore ne karantinim pra nuk përmendet strehimorja regjionale, pra kjo është pyetja.

Rasim Fazliu – Unë deshta të lidhem me punë konkrete praktike këtu dhe është mirë që kjo drejtori

me qenë më vëmendshme rreth Covid-19 kur bëhet fjalë tani sepse kjo salla e Kuvendit administrohet ndoshta prej vet komunës këtu pasi është drejtoresha e administratës por kemi raste kur kemi pasur 3 takime brenda ditës edhe salla sipas informatave ka qenë e dezinfektuar vetëm takimin e parë në mëngjes kurse takimet tjera janë mbajtur pa u dezinfektuar salla, kështu që është mirë me ruajt shëndetin tonë ne rend të parë edhe mos me u përsërit këto gjëra pasi sa me te kujdesshëm që jemi do të ishte më mirë. Po ashtu një gabim gjuhësor e kemi në faqen e dytë drejto, mbi listën e objekteve të dezinfektuar në komunën e Rahovecit, ku shkruan se objektet shëndetësore dezinfektohen çdo javë, QKMF-ja dhe kujdestaritë dezinfektohen dy herë në javë.

Sali Sallteku – Unë e falënderoj drejtorin për raportin që ka bërë dhe vërtet janë shume raste në komunën e Rahovecit 117 raste, po ashtu tash kemi pasur një rast edhe e kisha pyet drejtorin ku një punëtorë i joni që ka vdekur para 3-4 dite që vërtet ka qenë një punëtorë dhe familjar i mirë, a ka qenë me Corona virus apo jo dhe a i mermi ju ato shërbime nëse ka mundësi me ditë, po ashtu edhe atë që tha doktori që po bëhet një punë e madhe nga punëtorët shëndetësor por nuk paguhen për shërbimin e kryer.

Fatmir Iska – Për raportin edhe gjendjen pandemike, pasi këto shifra ndryshojnë pothuajse çdo ditë por fatmirësisht në komunën tonë ka pak të prekur e sigurisht që ne kemi dëshirë që hiq mos me pas asnjë rast por ja që këto ndodhin. Drejtori i prezantoi shifrat prej raportit nga dita e djeshme nga Institutit kombëtar të shëndetit publik pra këto janë shifra të raportit të datës 28.07.2020. Tek dezinfektimi i sallës së kuvendit, e keni të drejtë dhe me vend z. Fazliu, jo vetëm që duhet që sa here të mbahej seanca por edhe KPF-ja duhet të jetë e dezinfektuar dhe kërkoj prej drejtorit që sa herë të ka seanca por me kërkesë të Kryesuesit që kjo të kryhet. Tek strehimorja janë strehuar pasi jam vet dëshmitar që kam nënshkruar memorandumin e mirëkuptimit ndërmjet Komunës OSBE-së dhe Strehimoreve në Gjakovë, ku komuna e ndihmon strehimoren me një shume të mjeteve ndërsa për rastet të cilët janë të vetizoluara ku doktori besoj që e din pasi drejtorja e shëndetësisë e ka një ekip kujdestar të stafit shëndetësorë ku ata që janë të vetizoluara kontaktohen për çdo nevojë që kanë. Për informacione tjera që ka diçka mundet me shtua drejtori.

Kryesuesi – Faleminderit shumë të nderuar kolegë kuvendarë, kalojmë në pikën e dhjetë të rendit të ditës:

10. Shqyrtimii Informatës mbi implementimin e Planit për investime në Hapësirat e Hapura Publike në Komunën e Rahovecit.

Përparim Krasniqi – Përshëndetje për të gjithë. Plani për investime në hapësirat publike e kemi nga viti 2016-2021, një plan që praktikisht komuna e Rahovecit e implementon dhe në baze të atij planit e bëjmë mirëmbajtjen e hapësirave publike. Mirëpo një dallim është prej vitit të kaluar që kam raportuar në Kuvend është rritur vlera dikun prej 14,000 euro, pasi varrezat civile në çdo vendbanim është shtuar për shkak se gjate vitit bëhet prerja e vegjetacionit 3 herë e jo 2 herë siç ka qenë në vitet e kaluara. Pastaj dallimi është se janë futur edhe objektet institucionale siç AMF-të edhe zyrat e gjendjes civile në gjithë komunën e Rahovecit d.m.th. ky ka qenë dallimi që është rritur vlera e kësaj prej vitit të kaluar në të cilën është raportuar. Unë tani nuk po dua me shtua diçka për shkak se e keni raportin para jush dhe nëse dikujt i intereson diçka me tepër me dit rreth kësaj do të jemi këtu dhe do të jap përgjigje të gjithëve. Faleminderit

Rasim Fazliu – Unë kam një pyetje edhe pse duket si pak ne formë të humorit, sa fshatra i ka komuna e Rahovecit, kjo pyetje shkon për drejtorin.

Përparim Krasniqi – Komuna e Rahovecit i ka 35 fshatra dhe një qendër urbane. Të gjitha janë të evidentuara në bazë të regjistrimit të popullsisë që po ashtu i kemi zyrtare.

Kryesuesi - Të nderuar kolegë kuvendarë, meqë nuk ka të tjerë të lajmëruar, kalojmë në pikën e njëmbëdhjetë të rendit të ditës:

11. Shqyrtimi i Informatës nga Drejtoria për Ekonomi, Zhvillim dhe Turizëm.

Artan Asllani – Përshëndetje për të gjithë, unë nuk dua të lëshohem në detaje rreth kësaj informate, për shkak se keni informatën për zonën ekonomike dhe ajo që dua të them rreth kësaj pike është se ne jemi duke bërë përpjekje të mëdha të thithim investime sa më të mëdha në këtë hapësirë. Nëse keni ndonjë pyetje, unë jam këtu për të ju përgjigjur.

Kryesuesi – Të nderuar kolegë kuvendarë, faleminderit shume të gjithëve për kontributin dhe mirë u pafshim në mbledhjen e radhës.

Mbledhja përfundoj 13.00

01 Nr. 96/20

Rahovec, 27.08.2020

Procesmbajtësi:

Agim Hoti

